

են տալիս բոլոր միջոցները գործադրել եւ ժողովրդի մէջ եղած ռազմամթերքը տրամադրել ինքնապաշտպանութեան գործին :

Ճիշդ է, 7-րդ համագումարը որոշում է համաձայնութիւն կնքել Ադրբէյջանի կառավարութեան հետ, բայց նա համոզուած լինելով, որ Ադրբէյջանի կառավարութիւնը հանգիստ պիտի չմնայ եւ մի կողմից Սուլթանովի աւադակային խմբերով անկարգութիւններ առաջ պիտի բերէ . իսկ միւս կողմից էլ հայ գործակալների միջոցով հայկական շրջանները զինաթափ պիտի անէ, առաջարկում է Ազգային Սորհըրին ինքնապաշտպանական մարմին կազմել :

Համագումարի աշխատանքները տեւում են տասը օր : Որից յետոյ, համագումարը մի յանձնաժողով է ընտրում՝ տասն եւ հինգ հոգուց բաղկացած, եւ ուղարկում է Շուշի՝ Ադրբէյջանի կառավարութեան նահանգապետ Ս. Սուլթանովի հետ համաձայնութեան պայմանագիրը ստորագրելու :

Օգոստոս 22-ին Շուշու գիւղից, համագումարի կողմից ընտրուած յանձնաժողովը դալիս է Շուշի :

Շուշուայ քաղաքացիները, Ռէպակիան գաղթիցի գիմացի հրապարակում, ընդունելութեան պատրաստութիւններ են տեսնում :

Ս. Սուլթանովը, Շուշուայ գործատու, ինչպէս նաեւ թաթար եւ հայ ներկայացուցիչներ, քաղաքի ներքեւի դարպասայի մօտ դիմաւորում են պատգամաւորներին եւ մեծ հանդէսով նախ բարձրանում են հայկական թաղը, ապա գնում են հրապարակը, որտեղ եւ միտինգ է տեղի ունենում :

Սօսում են Վահան եպիսկոպոսը, Սուլթանովը, մի թաթար ուսուցիչ եւ պատգամաւորներից երկու հոգի :

Բոլորն էլ այն միտքն են յայտնում, որ երկու ժողովուրդները ձեռք-ձեռքի տուած իրենց համերաշխ գործունէութեամբ պիտի աշխատեն խաղաղ մնալ եւ անհամաձայնութիւններից ու կոտորածներից խուսափել :

Երկու ժողովուրդների ներկայացուցիչները խոստանում են պայմանագրի կէտերը ամենայն ճշգրտութեամբ յարգել, որից յետոյ միտինգը ցրւում է :

Թաթար ժողովրդի ոգեւորութեանը չափ ու սահման չկար, ամբողջ մի տարի չարչարուելուց յետոյ, վերջապէս Սուլթանովին յաջողուած է խորամանկ միջոցներով եւ սպառնալիքների տակ լեզու գտնել գաւառի հետ եւ ժամանակաւորապէս համաձայնութիւն կնքել :

Համաձայնագիրը ստորագրուելուց երկու օր յետոյ, ընտրւում է հայերից մի Սորհուրդ, երեք հոգուց բաղկացած՝ Յ. Բ., Լ. Վ. եւ ԲԺ. Եարամիչեան, նահանգապետի օգնական է ընտրւում Գիդի Քարանթարեան : Սրանք եւ Սօսով բէկ Սուլթանովի հետ սկսում են աշխատիլ :

Թէ՛ այդ խորհուրդը եւ թէ՛ նահանգապետի օգնականը, սուսնձին աչքի գարնոց գործէն կարողանում կատարել, քանի որ այդ Սորհուրդը մի անուանական մարմին էր եւ Սուլթանովը հաշուի չէր առնում նրան, ու իր կառավարութեան ծրագրած հրահանգներովն էր առաջնորդում :

Համաձայնութիւն կայացնելուց յետոյ, պիտի տեսի, որ հայկական շրջանները իրենց խաղաղ գիւղատնտեսական աշխատանքներով են զբաղւում :

Մի առ ժամանակ էլ հարեւան թաթարները — հայեր կոտորելու ու թալանելու — կըրքերը հանգստանում են :

Շուշի-Եւլախ խճուղին յայտարարւում է բաց : Սակայն հայերից շատ քչերն են հաւատում այդ յայտարարութեանը եւ մեծաւ մասամբ Գանձակի ճանապարհովն են ճամբորդում :

Աղղամի եւ Կարիազի շուկաները, բացւում են հայերի առաջ եւ մթերքներ են ծախում . իսկ մինչ այդ երկու շուկաներն էլ փակ էին հայերի համար :

Այս ձեւով Սուլթանովը մի քանի շաբաթ հայ ժողովրդին սիրաշահում է :

Ադրբէյջանի կառավարութիւնը լաւ իմանալով, որ Հայկական Ղարաբաղի որոշ շրջաններ՝ Սաչէնն ու Վարանդան տնտեսական նեղ վիճակի մէջ են, մեծ գումարներ է տրամադրում Ս. Սուլթանովին, որպէսզի դրամի միջոցով զինաթափ անէ այդ շրջանները :

Սուլթանովն էլ իր գործակալներին՝ հայ սրիկաների միջոցով իրագործում է իր կառա-